

Tarnimikkut nappatilinnut immikkoortortaqarfimmi napparsimasup allagarsiaanik/nassiussarsiaanik, napparsimmavimmi inigisaanik, pigisaanik, timaalu satsillugu misissuineq, kiisalu pigisanik assigisaannillu arsaarinninneq suujunnaarsitsinerlu pillugit Namminersorlutik Oqartussat nalunaarutaat

Tarnimikkut nappaatilinnik nammineersinnaajunnaarsitsineq allatigullu pinngitsaaliissummik iliuuseqarneq pillugu Inatsisartut inatsisaanni nr. 24-mi, 3. december 2012-imeersumi § 29, imm. 4 naapertorlugu aalajangersarneqarput:

§ 1. Inatsisartut inatsisaanni § 29 naapertorlugu makkununga tunngatillugu nakorsaanerup aalajangigai

- 1) napparsimasup allagarsiaasa/nassiussarsiaasa ammarneqarnissaat misissuivigineqarnissaallu,
- 2) napparsimasup uninngaviata inip pigisaasalu misissuivigineqarnissaat,
- 3) napparsimasup timaa satsillugu misissuivigineqarnissaa, napparsimasoq pillugu allattugaatinut nalunaarsorneqassapput.

Taamatuttaaq suut nakorsaatinik, aanngajaarniutinik imal. sakkunik ulorianartunik napparsimasumut eqqussisoqarsimaneranik eqqussiniartoqarneranilluunniit pasitsaassinermut tunngavilersuutaanersut, allattugaatinut nalunaarneqassapput.

§ 2. Napparsimasup allagarsiaanik/nassiussarsiaanik inigisaanillu misissuineq sapinngisamik napparsimasoq isigitillugu ingerlanneqassaaq. Napparsimasup nappaammik peruluuteqarnera peqataaanginneranut patsisaappat, aatsaat napparsimasoq peqataatinnagu misissuinerit ingerlanneqarsinnaapput.

§ 3. Napparsimasup allagarsiai/nassiussarsiai Inatsisartut inatsisaanni § 29-mi taamaallaat taaneqartunik nakorsaatinik, aangajaarniutinik imal. sakkunik ulorianartunik imaqaarnersut misissuivigineqarsinnaapput. Allagarsiani/nassiussarsiani inuttaannut allakkat atuqaqusaanngillat.

Imm. 2. Nassiussarsiat kisimik nalunaarummi matumani pineqarput. Allakkat/nassiussat napparsimasumit nassiussat pineqaanngillat.

§ 4. Nakorsaatit, aanngajaarniutit sakkullu ulorianartut § 1-imi iliuuseqarnermi arsaarinnissutaasut, napparsimasumut tunniunneqarnissaasa illersorneqarsinnaalernissaata tungaanut immikkoortortami toqqortarineqassapput. Nakorsaatit, aanngajaarniutit sakkullu ulorianartut inatsisinik nalinginnaasumik

unioqqutitsilluni pigineqarnersut, nakorsaanerup politiinut aalajangiivigisassanngortissinnaavai.
Nakorsaatit, aanngajaarniutit sakkullu ulorianartut suujunnaarsinneqarnissaat politiit
aalajangiivigisinnaavaat.

§ 5. Nalunaarut 16. december 2013 atuutilersinneqarpoq.

Namminersorlutik Oqartussat, ulloq 2. december 2013

Steen Lynge

/

Ann Birkekær Kjeldsen

Namminersorlutik Oqartussat
Imaneq 4
3900 Nuuk
E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit
Namminersorlutik Oqartussat inatsisinut toqqorsiviat
Naalakkersuisut